

懷寧縣志卷十二

兵制

兵凶事也戰危機也然安不忘危衛疆土卽以衛民生也兵制
昉於周官司馬管子內政三墳固僞書未始不得曩時制度於
萬一左氏傳於諸國軍政不憚詳言司馬遷律書班固刑志謂
禮樂興則刑罰中而兵端自戢唐宋以後始別有兵志雖非古
人意天地間不可少之文字也懷寧當長江要衝自古稱重鎮
爲論形勢者所必爭亦爲善用兵者所不易守思患豫防長治
久安策也兵制自明以後備書兵事自漢光武建武四年以後
亦並及焉

明制安慶營設守備一員以都指揮體統行事管水師五百名
轄安慶九江二衛官軍並本營戰艦控制上游後因流寇猖橫
改爲遊擊添設陸兵千名兼轄水陸旋改副將又改總鎮清初
定鼎仍設總鎮順治四年改爲協鎮設副將順治七年副將移
駐灤山以遏寨寇本年操江李日芄駐鎮安慶帶左右二營遊
擊守備千總馬兵戰守官兵共二千餘名其江汎水兵五百名
仍屬守備專管康熙元年裁撤操江其官兵歸併江寧總督駐
守增設水陸官兵共八百餘名以遊擊一員統之康熙五年總
督卽廷佐以安慶地重兵單請旨仍改設副將一員守備二員
千總二員把總四員哨官四員分左右軍其原設官兵八百名

以四百名爲城守作左軍以四百名并李陽營四百名共八百名作右軍二守備分領其沿江水路遊兵奇兵瓜洲並陸路灤山四營皆歸副將統轄康熙八年裁減兵丁二百名二十二年裁減兵丁四十名三十六年裁減兵丁七十名雍正二年撥赴太湖營兵丁十二名五年撥赴青村營兵丁九名七年添設千總二員把總四員以所轄之奇兵瓜洲二營改歸江寧副將九年左軍守備改爲中軍都司僉書以資彈壓乾隆二十六年以沿江北岸之毛湖洲喻家汊大灣沙灣南岸之楓火磯馬當六汎裁歸江西南湖營二十七年添設額外外委三員三十年添設集賢關冷水鋪二汎三十二年以灤山營馬兵十名撥歸安

慶四十七年撥赴壽春營兵丁四名四十八年添設額外外委一員步兵八十四名守兵三十六名嘉慶十九年撥赴揚州營馬兵二名步兵四名守兵十四名道光二年撥赴穎州營馬兵一名步兵二名守兵七名實額副將一員中軍都司簽書一員右軍守備一員千總二員把總四員外委千總二員外委把總四員額外外委四員哨官四員馬兵三十名步兵一百六十六名守兵六百三十八名官坐馬三十二匹兵戰馬三十匹唬船二十七隻以上道光志陳世鏞李時溥分纂光緒初年實額副將一員中軍都司一員守備一員千總二員把總二員外委四員額外外委四員馬戰兵二十七名步戰一百四十九名守兵五百二名官坐

馬二十八匹戰馬二十七匹唬船二十七隻光緒九年復兵裁
勇節餉奏明將未復兵額并抽裁存營瘦弱兵丁選擇精壯挑
補足額編入練軍步隊兵額大為變動二十九年改為巡警兵
又復大減額副將一員都司一員守備一員千總二員把總二
員什長十員巡警兵九十八名馬二十八匹自改巡警軍後已
裁各兵發給恩餉三個月未裁者分哨分棚以參將遊擊都司
為營官以守備為幫帶或為督操官以千把為哨官以額哨為
稽查因防務吃緊仍舊駐紮未即調成營哨各屬營汛書役人
等均在兵數之內故改新操之兵亦僅七成而已後撫左右兩

營同

以上舒景
衡續纂

懷寧縣志

卷十二 兵制

三

汛地府城二 東關廂 西關廂

鄉鎮七 石牌 碎石嶺 江家嘴 小吏港 源潭埠 集

賢關 冷水鋪

江防七 鳴兒溝 前江溝 花園 舊志作桑園 王宣夾 張葭

港 光洲 五里廟

其巡撫標下左右二營設自康熙十三年各遊擊一員守備一
員千總二員把總四員外委千總一員把總二員馬兵七十五
名步兵三百名守兵三百七十五名 外委千把總在馬兵之內 官坐馬二十

二匹兵戰馬七十五匹二十三年因馬兵缺額各停補馬兵二
十五名戰馬二十五匹二十五年定營制戰三守七各改步兵

一百三十三名爲守兵二十六年各裁馬兵一名步兵七名守兵十七名戰馬一匹三十五年各裁步兵一百名三十六年各裁守兵二十三名三十八年各撥守兵一百七十七名赴河標効力雍正二年各撥步兵一名守兵赴太湖營操防五年各撥守兵四名赴蘇州營操防八年各撥守兵二名赴蘇州營駐防十年改左營遊擊爲參將添坐馬二匹乾隆元年撥左營馬兵外委把總一員戰馬一匹赴泰州營駐防二十七年左右營各添設額外外委一員二十五名各裁守兵二十五名四十七年各撥守兵一名赴廬州營駐防又將前所各裁守兵二十五名仍准募補實額又增左營馬兵七十五名步兵一百二十五名

守兵五十名戰馬七十五匹增右營馬兵四十五名步兵七十
五名守兵三十名戰馬四十五匹四十八年左右營各添設額
外外委二員嘉慶十年各撥馬兵八名步兵十六名守兵五十
六名戰馬八匹赴宿松二營操防十二年各撥馬兵一名步兵
一名守兵四名戰馬一匹赴潁州營操防十八年各撥馬兵一
名步兵二名守兵七名戰馬一匹赴揚州營操防道光三年各
撥馬兵一名步兵十名守兵三名戰馬一匹赴潁州營操防現
今實額左營中軍參將一員中軍守備一員千總二員把總四
員外委千總一員把總一員額外外委三員馬兵一百一名
外委千把總及額外外委在馬兵之內 步兵一百四十七名守兵二百七十七名官坐馬

二十四匹兵戰馬一百一匹右營遊擊一員守備一員千總二員把總三員外委千總一員把總二員額外外委三員馬兵七十八名步兵一百名守兵一百八十二名外委千把總及額外委在馬兵之內官坐馬二十匹兵戰馬七十匹二營皆撫標護衛駐劄郡城僅有更卡十二座巡哨撫轅別無分防墩臺營汛自操江既撤巡撫與總鎮不相統攝卽有警各營兵非總鎮不得調發嘉慶七年巡撫王汝璧加提督軍門節制各鎮自此巡撫得專閫矣以上

陳世鎔李時溥分纂

光緒初年實額撫左營參將一員守備一員千總二員把總四員外委二員額外外委三員馬戰兵九十六名步戰兵一百三十八名守兵二百七名官坐馬二十四匹戰馬九十

六匹撫右營遊擊一員守備一員千總二員把總三員外委三員額外外委三員馬戰兵七十五名步戰兵九十二名守兵一百八十二名官坐馬二十四匹戰馬七十五匹光緒九年挑補編入練軍步隊營制變動二十九年改爲巡警兵左營額減爲參將一員守備一員千總二員把總二員外委一員什長六名巡警兵六十二名馬二十三匹右營額減爲遊擊一員守備一員千總二員把總二員外委一員什長六名巡警兵五十九名馬十九匹以上舒景衡續纂

長江水師清同治八年歸標分防汛歸提督統轄共六標二十四營安慶營副將衙署址在西門外里仁巷左哨都司駐紮新

河汛左哨一隊千總駐紮鐵泥州汛左哨二隊千總駐紮東流
縣之黃石磯汛左哨三隊把總駐紮楊家澗汛左哨四隊把總
駐紮楊家澗上汛左哨五隊把總駐紮五埠渡汛左哨六隊外
委駐紮江家店汛左哨七隊外委駐紮新河汛左哨八隊外委
駐紮東流縣之黃石磯下汛右哨都司駐紮新鹽河汛右哨一
隊千總留營差遣未派汛地右哨二隊千總駐紮貴池縣之蠡
陽河汛右哨三隊把總駐紮大池溝汛右哨四隊把總留營差
遣未派汛地右哨五隊把總駐紮馬家窩汛右哨六隊外委駐
紮鳴兒溝汛右哨七隊外委駐紮貴池縣之蠡陽河上汛右哨
八隊外委駐紮馬家窩下汛中哨守備駐紮上新鹽河汛中哨

一隊千總駐紮老鹽河汛中哨二隊千總駐紮貴池縣之寶賽
汛中哨三隊把總駐紮花園汛中哨四隊把總駐紮下新鹽河
汛中哨五隊外委駐紮石門湖汛中哨六隊外委駐紮花園上
汛中哨七隊外委駐紮貴池縣之寶賽下汛中哨八隊外委駐
紮山口鎮汛前哨守備駐紮東流縣汛前哨一隊千總駐紮東
流縣之烏石鎮汛前哨二隊千總駐紮望江縣之吉陽河北岸
汛前哨三隊把總駐紮東流縣之湖東汛前哨四隊把總駐紮
東流縣之頭二磯汛前哨五隊外委駐紮東流縣之蓮花洲汛
前哨六隊外委留營差遣未派汛地前哨七隊外委駐紮東流
縣之吉陽河汛後哨守備駐紮桐城縣之樅陽口汛後哨一隊

千總駐紮貴池縣之烏沙夾汛後哨二隊千總駐紮桐城縣之
三江口汛後哨三隊把總駐紮桐城縣之新河口汛後哨四隊
把總留營差遣未派汛地後哨五隊外委駐紮貴池縣之烏沙
夾南岸汛後哨六隊外委駐紮桐城縣之樅陽北岸汛後哨七
隊外委留營差遣未派汛地

以土同治志
馬徵慶分纂

練軍步馬隊光緒九年三月巡撫裕祿將皖省留防各步隊汰
弱留強照直隸練軍章程抽練綠營兵丁二千三百二十名同
調練之防軍二千名

咸同間削平大難行營事定後挑選
精壯擇要分駐以資防守謂之防軍改編

爲步隊八營馬隊一起分駐省城及皖南北二十年十月步隊
四營北上就四營中抽撥兵丁四百名編立礮隊一營留省嗣

步隊四營撤回仍分別駐省二十四年十一月裁三成省城計
存三營名曰定安練軍營以編餘之兵四百名另設副營一營
名曰定安練軍副營原有馬隊一起礮隊一營仍附隸於定安
練軍內皖南北原有練軍四營亦同時裁存兩營二十六年拳
變招募楚軍計編武衛正副中十五營有半以四營半入衛京
畿江南咨調五營分駐徐淮等處留防省城及皖南北凡六營
同時省城添練定安步隊三營馬隊一起二十七年北上之武
衛軍四營半回省江南調回三營連同留防皖省六營計共武
衛軍九營當將續募之定安步隊三營馬隊一起裁存一營連
同原有定安練軍步隊三營馬隊一起共成步隊四營馬隊二

起此爲防練各軍增刪更變之始三十年三月將原有武衛楚軍汰弱留強補足千名改編安徽常備軍前後二營又增募精壯千名編成爲常備軍左右二營其原有定安練軍四營亦同時改編安徽續備軍四營又定安練軍副營一營除撥歸警察兵二百名外餘編爲省城親軍衛隊營分駐衙門局所以資防護所有定安營附屬之礮隊一營改爲常備軍過山礮隊一營馬隊二起改爲續備軍馬隊一營均督練新操以備徵調三十一年五月將皖南楚軍武衛二營精健三營挑留強壯並赴廬鳳壽各屬分投召募編成常備軍二標步隊一二三營又將原練常備軍四營併作三營編爲常備軍一標步隊一二三營此

爲防練軍改編陸軍之始省城續備軍步隊四營將前左右三營改爲安慶巡警軍左右兩營又將中營改爲礮台營兩路以前江口攔江磯二起爲一路以東西梁山二起爲一路又續備軍馬隊一營亦裁汰過半改編安慶親軍馬隊一起各於安慶添募緝捕一營三十二年將常備軍一協兩標抽出客籍兵丁改編巡防一二三四旗又添募營務處親軍隊一營分駐省及蕪湖大通等處陸軍則徵補土著此爲防練警陸各軍混合進行之始三十四年四月將防軍各營遵照前練兵處巡防隊軍制概行裁汰歸併計中南北三路舊存防各軍二十營三路各減一營中路以防營第一旗改爲第一營安慶緝捕營改爲第

一營營務處親軍改爲第三營安慶巡警左營改爲第四營防營第二旗改爲第五營并設中路統領部其原有之防營第三旗遣散宣統元年正月因上年礮馬兵變兵力單弱赴河南添募防軍三營隸中路合前編中路五營分爲左右翼各四營并分設統領部其中路原有五營第一三四營仍隸左翼一三四營其第五營調編左翼第二營新募三營編列右翼一二三營以原有之第二營改隸左翼第四營以中路左翼一二營右第四營防衛省垣其餘附隸防營者省城親軍衛防一營係定安練軍副營所改屢經裁併於三十四年添練成營又親軍馬隊一起係續備軍馬隊營所改亦疊經刪汰於三十三年正月改

定前江口攔江磯東西梁山礮台係安慶續備軍中營改額各五十六名宣統元年九月改編又省城藩庫及牙釐局駐兵三十名爲防營編餘之兵三年八月省城空虛調長江江防營兩營來省不數日令去九月以後既無統攝招散不時無從紀述矣

安武軍民國四年二月就民國二年八月由壽縣來省之武衛右軍改編武衛右軍原係左右兩路每路五營二年續招編成中前左右後五路四年二月改今名編成一二三四五六路嗣又添第七路隨時調防未有一定駐在所

陸軍小學堂光緒三十二年三月就原有武備練軍營房改設

在集賢門外敬敷書院共招學生五班三年畢業第一期畢業
宣統元年七月升入第一中學堂第二期畢業三年七月升入
第四中學堂

測繪學堂光緒三十二年設立就武備高等兩學堂學生中挑
選四十人入堂肄習一年卒業將學堂停辦改爲陸地測量局
以前列三十名分四班派出實地測量宣統元年二月以前此
肄業各生祇普通科學未學三角將員生一律撤回改設測繪
學生定額學生一百名客籍二十名以三年畢業六月陸軍部
改爲二年畢業

講武堂清光緒三十三年三月以將校研究所改分高等尋常
補習三科以各標營輪派官佐駐堂講習三個月爲一學期三
十四年二月并考選正副目兵爲教導隊入堂肄習兵學以爲
下級將校幹部宣統元年混成全協規復成立增入巡防隊各
營官長同班肄習每班以六個月爲畢業期分班遞推周而復
始學員分上下兩級自統帶至管帶爲上級研習兵事大綱并
考求外場利弊自督隊官至司務長爲下級學員按學術各科
實地演習學兵營擬附設以無房舍未果

支應局在八旗奉直會館東爲發給防軍薪餉之所設督辦提
調文案收支各員報銷局附內後歸併財政公所
巡防營務處附舊藩署內設總辦參議提調稽查各員

督練公所在舊撫署東巡撫爲督辦藩臬兩司爲總參議設參議官及兵備參謀教練三處總辦提調各員

軍械局在大朱紫巷爲貯藏軍械之所設有總辦查械司庫各官

演武廳在縱陽門外五里廟

火藥局原在縱陽門內新塘中央

舊爲宛在亭

因改建銀元局移北

門外馬山

火藥庫在北門外南庄嶺東首土名老勘清光緒間建

製造局在鷺鷥橋光緒間官立舊在金保門外今工藝廠修理

軍裝器械一切事宜附設軍械庫

以上舒景衡續纂

驛遞

懷寧驛附縣署東偏縣攝驛務額馬四十五匹馬夫舊四十五名後裁爲三十六名差夫二十名

練潭驛在桐城境康熙十四年巡撫靳題請置驛設驛丞一員調撥桐城縣并滁陽驛驛馬共四十五匹馬夫四十五名差夫二十名驛務歸縣管理後增減不一道光後馬三十九匹馬夫二十三名差夫十二名

同安驛在西門外額設紅槳船十二隻水手三十九名緯夫二十四名舊有驛丞順治十一年裁歸安慶府經歷司兼理今均廢

急遞鋪

自府前起遞十里雷店鋪俗呼為十里鋪二十里總鋪三十里冷

水鋪四十里沿山鋪在府北四十里五十里源潭鋪達桐城

自總鋪分路三十里蓮花鋪四十里下青石鋪五十里上

青石鋪六十里碎石嶺鋪七十里觀音鋪八十里三橋

鋪九十里沙橋鋪一百里瓦窰鋪達潛山百一十里三丫

鋪百三十里推穀鋪橫達潛望

城東二十里迎江鋪三十里拱虹鋪四十里猗秀鋪五

十里長楓夾鋪渡江達貴池今均廢

兵事

後漢光武建武四年遣揚武將軍馬成等擊李憲圍舒州六年正月拔之李憲者潁川許昌人也王莽時為廬江屬令莽末江賊王州公等起衆十餘萬攻掠郡縣莽以憲為偏將軍廬江連率擊破州公莽敗憲據郡自守更始元年自稱淮南王建武三年遂自立為天子置公卿百官擁九城衆十餘萬四年秋光武幸壽春遣揚武將軍馬成等擊憲圍舒至六年正月拔之憲亡走其軍士帛意追斬憲而降憲妻子皆伏誅封帛意漁浦侯後憲餘黨淳于臨等猶聚衆數千人屯灊山攻殺安風令揚州牧歐陽歙遣兵不能尅帝議欲討之廬江人陳衆為從事白歙請得喻降臨於是乘單車駕白馬往說而降之灊山人共為立生

祠號白馬陳從事云

十七年秋七月妖巫李廣等群起據皖城遣虎賁中郎將馬援驃騎將軍段志討之九月破皖城斬李廣等初卷人維汜妖言稱神有弟子數百人坐伏誅其後弟子李廣等宣言汜神化不死以誑惑百姓十七年遂共聚會徒黨攻沒皖城殺皖侯劉閔自稱南嶽大師遣謁者張宗將兵數千人討之復爲廣所敗於是使援發諸郡兵合萬餘人擊破廣等斬之

冲帝永嘉元年秋七月廬江盜賊起攻尋陽又攻盱台九江都尉滕撫遣司馬王章擊破之

靈帝末廬江賊黃穰等與江夏蠻連結十萬餘人攻沒四縣拜陸康廬江太守康申明賞罰擊破穰等餘黨悉降

獻帝興平元年袁術使孫策攻廬江拔之術欲攻徐州從廬州太守陸康求米三萬斛不與術大怒遣策攻康拔其城

建安四年冬孫策襲廬江取之先是袁術許策爲九江太守已而更用丹陽陳紀後術遣策攻陸康謂曰前錯用陳紀每恨本意不遂今若得康廬江眞卿有也策攻拔之術復用其故吏劉勳爲太守策益失望後術死術從弟允女婿黃猗等畏曹操不敢守壽春乃率其部曲奉術柩及其妻子奔劉勳於皖城勳以術部曲衆多不能贍遣從弟偕求米於上繚諸宗帥不能滿數偕召勳使襲之勳伐上繚至海昏時策引兵西擊黃祖行及石

城聞勳在海昏及分遣從弟賁輔將八千人屯彭澤自與領江夏太守周瑜將二萬人襲皖城克之得術勳妻子及部曲三萬人表汝南李術爲廬江太守給兵三千人以守皖城

五年冬孫權屠皖城初孫策表用李術爲廬江太守策亡之後術不肯事權而多納其亡叛權移書求索術報曰有德見歸無德見叛不應復還權大怒舉兵攻術於皖城術閉門自守求救於曹操操不救糧食乏盡婦女或丸泥而吞之遂屠其城梟術首徒其部曲三萬餘人十四年十二月廬江人陳蘭梅成據潯六叛曹操遣于禁臧霸討成盪寇將軍張遼督張郃朱蓋等討蘭成僞降禁還成遂將其衆就蘭轉入潯山潯中有天柱山

高峻二十餘里道險狹步徑裁通蘭等壁其上遼欲進諸將曰兵少道險難用深入遼曰此所謂一與一勇者得前耳遂進到山下安營攻之斬蘭成首盡擄其衆太祖論諸將功曰登天山履峻險以取蘭成盪寇功也遼之討蘭霸別遣至皖拒吳將韓當使權不得救蘭當遣兵逆霸霸與戰於逢龍當卽遣兵邀霸於夾石與戰破之還屯舒權遣數萬人乘船屯舒口分兵救蘭聞霸軍在舒遁還由是不得救蘭遼遂破之

舊志作建安六年此從通鑑通鑑攷

異曰遼傳無年按繫欽征天山賊云建安十四年十二月甲辰丞相武平侯曹公東征臨川未濟羣舒蠢動割有潯六乃俾上將盪寇將軍張遼治兵南嶽之陽又云陟天柱而南徂故置於此也

十九年五月孫權攻皖城閏月克之初曹操遣廬江太守朱光

屯皖大開稻田呂蒙言於孫權曰皖田肥美若一收熟彼衆必增宜早除之權乃親攻皖城諸將欲作土山添攻具蒙曰治攻具及土山必歷日乃成城備旣修外救必至不可圖也且吾乘雨水以入若留經日水必向盡還道艱難蒙竊危之今觀此城不能甚固以三軍銳氣四面並攻不移時可拔及水以歸全勝之道也權從之蒙薦甘寧爲升城督寧手持練身緣城爲士卒先蒙以精銳繼之手執桴鼓士卒皆騰踊侵晨進攻食時破之獲朱光及參軍董和男女數萬口拜蒙爲廬江太守還屯潯陽沈約宋書樂志韋昭作吳鼓吹曲以克皖城當漢曲戰城南其詞曰克滅皖城遏寇賊惡此凶孽阻姦慝王師赫征衆傾覆去穢去暴戢兵革民得就農邊境息誅君弔民昭至德

後帝建興三年吳將審惠屯皖魏曹休擊破之斬惠首五年夏五月吳鄱陽太守周魴僞叛誘魏將曹休秋七月吳將陸遜等大破休於石亭魴齎牋七條以誘休言被譴懼誅欲以兵降北求兵應接休信之率步騎十萬向皖以應魴秋八月吳主權至皖以陸遜爲大都督以朱桓全琮爲左右督各督三萬人以擊休休知見欺自負衆盛邀於一戰朱桓進計曰休本以親戚見任非智勇名將也今戰必敗敗必走走必由夾石挂車此兩道皆險阨若以萬兵柴路則彼衆可盡休可生虜陸遜不從休與遜戰於石亭遜自爲中部令朱桓全琮爲左右翼三道並進衝

休伏兵因驅走之追亡逐北徑至夾石斬獲萬餘牛馬驢騾車乘萬兩軍資器械略盡是行也前將軍滿寵上疏曰曹休雖明果而希用兵令所從道背湖傍江易進難退此兵之絀地也若入無疆口胡三省通鑑注宜深爲之備寵表未報休果以深入敗

延熙六年冬魏司馬懿率軍入舒吳諸葛恪遷於柴桑先是恪率衆佃廬江皖口因輕兵襲舒掩得其民而還復遠遣斥候觀相徑要欲圖壽春懿欲自擊恪議者多以敵據堅城積穀欲引致官兵今懸軍遠攻其救必至進退不易未見其便懿曰敵之所長者水也今攻其城以觀其變若用其所長棄城奔走此爲

廟勝也若敵固守湖水冬淺船不得行勢必棄水相救就其所短亦吾利也乃於正始四年秋九月督諸軍擊恪軍次於舒權方發兵應之望氣者以爲不利於是徙恪屯於柴桑晉書作恪

棄城而遁又沈約宋書天文志正始二年六月司馬懿討諸葛恪於皖恪焚積聚棄城走事在先攷之晉書及吳志正始二年四月諸葛恪攻六安全琮略淮南朱然圍樊諸葛瑾攻相中太傅懿督諸軍救樊吳軍聞之夜遁追至三州口斬獲萬餘人收其舟船軍資而還魏主遣侍中常侍勞軍于宛其時不得有攻皖事宋志蓋誤以瑾爲恪以樊爲皖也

晉武帝咸寧四年吳人大佃皖城欲謀入寇都督王渾遣揚州刺史應綽攻破之斬首五千級焚其積穀百八十餘萬斛踐稻田四千餘頃毀船六百餘艘

劉宋明帝大始二年正月晉安王子勛稱帝徐冀等州皆舉兵

應晉熙太守閻湛之據郡同逆八月沈攸之諸軍至尋陽斬子

勛九月沈靈寵

通鑑作靈寶

自廬江引兵攻晉熙湛之奔逃晉熙蠻

梅式生起義斬湛之及子勳典籤沈光明祖封式生為高山侯
梁武帝太清三年鄱陽王範討侯景泝流西上軍於樅陽簡文
帝大寶元年秋七月侯景遣任約盧暉攻晉熙殺鄱陽王世子
嗣八月景帥舟師上皖口鄱陽王範以晉熙郡為晉州遣子嗣
為刺史範之薨也嗣猶據晉熙城中食盡士乏絕景遣任約來
攻嗣躬擐甲胄出壘拒之時賊勢方盛咸勸且止嗣按劍叱之
曰今日之戰何有退乎此蕭嗣效命死節之秋也遂中流矢卒
於陣

二年秋八月丙午晉熙人王僧振鄭寵起兵襲郡城偽晉州刺

史夏侯威生儀同三司任延遁走

通鑑作任延和

元帝承聖元年湘東王繹命王僧辨等擊侯景二月庚子發尋
陽戊申軍於大雷晉州刺史魯廣達出境候接資奉軍儲僧辨
謂沈炯曰魯晉州亦是王師東道主人仍率眾隨僧辨

敬帝紹泰元年二月齊軍司尉瑾儀同三司蕭軌南侵皖城晉

州刺史蕭惠以州降齊改晉州曰江州以尉瑾為刺史

大寶二年湘東

王繹遣晉州刺史蕭惠正將兵
援巴陵與此蕭惠疑是一人

陳高祖永定三年冬十一月乙卯王琳寇大雷詔遣太尉侯瑱
司空侯安都儀同徐度率眾禦之

宣帝太建五年秋八月平固侯陳敬泰等克晉州城晉州入齊二十年矣

至是復得之

十一年十二月乙亥合州廬江蠻田伯興出寇樅陽刺史魯廣達討平之

隋文帝開皇二十年二月熙州人李英林聚眾反署置百官辛卯以張衡為行軍總管率步騎五萬討平之

恭帝義寧元年殷恭遂據舒州武德五年降唐

唐高祖武德七年正月壬午趙郡王孝恭擊輔公祏別將於樅陽三月孝恭與李靖師次舒州

肅宗上元元年江淮都統劉展反展將王晷陷舒州

寶應元年舒州人楊昭反殺刺史劉秋子

代宗大歷三年江淮盜陳莊陷舒州淮南節度使崔圓令張萬

福攝舒州刺史督淮南盜賊窮破株黨新唐書張萬福傳無年載在許杲窺淮南萬福

攝濠州刺史後通鑑許杲事在大歷三年故知此事亦三年也

懿宗咸通九年冬十二月徐州賊龐勳遣其將丁從實等寇舒州

僖宗乾符三年冬十二月濮州賊王仙芝陷舒州

中和四年二月舒州人陳儒攻舒州刺史高瀆瀆求救於廬州楊行密行密力不能救謀於其將李神福神福請不用寸刃而逐之乃多齎旗幟間道入舒州頃之引舒州兵建廬州旗幟而出

指畫地形若布大陣狀賊懼宵遁久之群盜吳迥李本復攻舒州瀘不能守棄城走行密遣其將陶雅張訓等擊迥本斬之以雅攝舒州刺史光啟二年冬十二月滁州刺史許勅襲舒州陶雅奔廬州

昭宗景福二年冬十二月楊行密遣其將李神福攻舒州拔之刺史倪章棄城走行密以神福為舒州刺史

天復三年九月楊行密遣李神福討田頵神福自鄂州東下頵遣其將王壇汪建將水軍逆戰丁未神福至吉陽磯與壇建遇大敗之戊申又戰於皖口壇建僅以身免

後周世宗顯德三年三月周遣郭令圖攻拔南唐舒州刺史周

宏祚赴水死五代史作周祚棄舒州人遂令圖鐵騎都指揮使

洛陽王審琦選輕騎夜襲舒州復取之令圖乃得歸宋史王審琦傳世宗

親征淮南舒州堅壁未下詔以郭令圖領刺史命審琦及司超攻其城一夕拔之擒其刺史獲鎧仗軍儲數十萬計令圖既入城審琦等遂救黃州數日令圖為舒人所逐審琦選輕騎銜枚夜發信宿至城下大破舒人令圖得復還治所併前後事於一時蓋失其實七月唐將朱元取舒州刺史郭令圖棄城走唐主此從通鑑

以元為舒州團練使初唐人以茶鹽強民而徵其粟帛謂之博徵又興營田於淮南民甚苦之及周師至爭奉牛酒迎勞而將帥不之恤專事俘掠視民如土芥民皆失望相聚山澤立堡壁自固操農器為兵積紙為甲時人謂之白甲軍周兵討之屢為所敗先所得唐諸州復為唐有

五年二月乙亥周黃州刺史司超控鶴右廂都指揮使王審琦攻唐舒州擒其刺史施仁望是時淮南惟廬舒斬黃未下世宗南征耀兵江口唐主懼乃盡獻四州畫江爲界周師還唐主既失江北遷豫章龍舟至趙屯舉酒望皖山曰好青峭數峯不知何名優人李象明對曰此舒州皖公山也因獻詩曰皖公山縱好不落御觴中唐主太息罷酒去

宋太祖開寶八年冬十月南唐洪州節度使朱令贇率衆十五萬援金陵至皖口與王師遇曹彬遣王明劉遇破之於小孤山令贇及戰權都虞候王暉皆被執

高宗建炎三年八月劉文舜寇舒州

十一月淮賊劉忠陷舒州通判孫知微被執不屈忠怒鬻而食之

四年二月李成入舒州五月分地處群盜八月呂頤浩遣將李鑄復舒州

紹興三年二月辛卯劉德圍舒州

寧宗嘉定二年潰兵張軍大煽亂先犯桐城郡守林仲虎棄城遁賊入自北門至譙門視扁四顧曰我射中安字之點則入一發中之登郡廳大發府庫以散民惟斬胥魁一人曰是舞文而

虐民者宜除之卽日出屯眞源宮

此條見岳珂程史其正史所載者槩不標識

理宗端平三年十一月蒙古口溫不花入淮西舒州守臣遁人

馬糧械盡爲蒙古所得

舊志理宗淳祐六年冬十二月蒙古兵掠舒州宋元二史皆無之續綱目但云

蒙古寇掠京湖江淮之境無掠舒州三字不知舊志何據附見於此

度宗咸淳元年八月甲午元將阿朮帥大軍至廬州及安慶諸路統制范勝統領張林正將高興副將孟興逆戰歿於陣詔各官其一子

恭帝德祐元年正月丙戌元兵徇江州己丑知安慶府事范文虎遣人以酒饌如江州迎元師戊戌元兵入安慶文虎降通判夏椅仰藥死

元順帝至正十二年徐壽輝圍安慶江浙行省卜顏鐵木兒江西行省星吉等克復池州捷聞賊營走已而江州再陷星吉死

之安慶被圍益急遣使求援諸將皆欲自守汎地卜顏鐵木兒曰安慶與池止隔一水今安慶固守是其節也救患之義我其可緩乃大發帑藏以周潰軍軍勢復振安慶之圍遂解

十三年五月卜顏鐵木兒敗賊於望江又戰小孤山及彭澤又戰龍開河皆破走之

十五年池州趙普勝率衆攻安慶江淮行省余闕郡守韓建與賊連戰三日敗去未幾又至相拒二旬始退懷寧縣達魯花赤伯家奴戰死

十八年正月丙午陳友諒陷安慶淮南行省左丞余闕郡守韓建死之從死知名者凡十八人闕固守安慶倚小孤山爲藩蔽

命義兵元帥胡伯顏統水軍戍焉十七年十月沔陽陳友諒自上游直搗小孤伯顏與戰四日夜不勝急趨安慶賊追至山口鎮明日癸亥遂薄城下闕遣兵扼於觀音橋俄饒州祝寇攻西門闕却之乙巳賊乘東門紅旗登城闕又却之戊申並軍攻東西二門又却之癸卯賊益生兵攻東門丙午普勝軍東門友諒軍西門祝寇軍南門外無一甲之援城遂陷城中火起民相率登城樓自捐其梯曰寧俱死此誓不從賊焚死者以千計餘詳余闕本傳

十九年九月明遣奉國上將軍徐達僉樞密院事廖永忠張德勝等攻趙普勝於安慶永忠破其樅陽水寨徐達張德勝自無

爲陸行夜掩浮山寨走普勝將胡總管追敗之青山逐北至灤山友諒將郭泰逆戰沙河破斬之遂克灤山趙普勝者故驍將號雙刀趙初與俞通海等屯巢湖同歸太祖叛去歸壽輝至是爲友諒守安慶數引兵爭池州太平往來掠境太祖患之嗾普勝客使潛入友諒軍間普勝普勝不之覺見友諒使者輒訴功悻悻有德色友諒銜之疑其貳於己以會師爲名自江州猝至普勝以燒羊逆於雁汊甫登舟友諒卽殺普勝并其軍

二十年夏五月明師屢敗友諒遂乘勝取安慶

二十一年秋七月陳友諒將張定邊復陷安慶八月明太祖自

將舟師征陳友諒戊戌克安慶

先是友諒將張志雄亦驍勇號長張從趙普勝守安慶友諒殺

普勝志雄怨來降至是從
行盡獻其取安慶之策

明武帝正德七年閏五月文安賊劉七齊彥名自黃州至鎮江
道雷港六月自通州至九江道雷港七月又下南京凡三往來
俱過安慶望江官舍民廬多焚掠

十四年六月己丑宸濠遣偽將涂欽劉養正李士實寇安慶軍
於正觀門集賢門守備楊銳知府張文錦指揮崔文同知林有
祿通判何景陽知縣王誥等禦却之詳見楊銳傳

莊烈帝崇禎七年冬張獻忠寇桐城八年正月巡撫張國維率
副將許自強赴援遊擊潘可大知縣陳爾銘等守桐不下賊乃
攻灤山知縣趙士彥重傷卒攻太湖知縣金應元訓導扈允寧

被殺國維至解桐圍遣守備朱士允趨灤山把總張其威趨太

湖士允戰死

府志作國維遣遊擊張其威援宿賊示羸誘入伏中我師敗績其威及項鼎鏞包文達朱士允俱死

自強遇賊宿松殺相當安慶山民築石以投賊賊多死乃越英

山霍山而遁九月賊復由宿松入灤山太湖

府志作賊復寇太湖知縣楊卓然率

兵民禦之賊遁

他賊掃地王亦陷宿松等三縣國維募士著三千人戍

之而以兵事屬監軍史可法十二月賊馬守應合羅汝才李萬

慶自鄖陽東下可法馳駐太湖扼其衝

府志作十月流賊掠潛撥蒿坂十二月二十八

日賊襲宿松焚掠甚慘屯二日走太湖轉入懷望境安池道史

可法追戰於天井潭兵寡幾失利鄉人潘嘉幸以鳥鎗助戰翼

之法還營可法義十年正月賊從間道突入安慶石牌尋移桐

城連營百里巡撫張國維告警詔左良玉馬燠劉良佐合兵援

之參將潘可大擊走賊賊復爲廬鳳軍所扼回桐城大掠知縣陳爾銘嬰城守可法與可大捕賊走廬江犯濠山可法與良玉敗之楓香驛賊乃竄濠山太湖山中

府志作可法自皖援桐賊退居潛可法營於潛之天

寧寨二月十九日礮殲賊渠九條龍次日賊數萬環圍之適遊擊王志兵自桐至乃解二十二日總兵許自強至二十三日左

良玉至賊竄入太湖國維檄良玉搜山良玉不應尋北去賊乃復出太湖

三月國維率副將潘可大守備陳于王蔣若來程龍等赴安慶禦賊鄂家店可大將安慶兵九百龍等三將將吳中兵三千六百賊先犯可大營龍等至夾擊之賊多死夜復至中伏亦敗去監軍史可法欲退扼要害諸將不從掘塹守二十四日羅汝才劉國能等七營數萬衆齊至圍數重諸將突擊頗有殺傷可大

偕副將許自強馳救扼於賊不得進鳴大礮遙爲聲援諸將亦呼譟突圍會天雨甲重不得出明日日中賊四面入將士短兵接戰可大戰死龍引火自焚死于王手執大刀左右殺賊傷重力竭北面叩頭自刎死閱十日面色如生若來服圍人衣以免同死者武舉詹兆鵬首觸石死陸王猷殺賊過當賊鬻分其肉死莫是驍詹世龍及千戶王定遠皆力戰死百戶王宏猷爲賊所執鋸齒斷足罵不絕聲死士卒脫者僅千餘人

府志此戰作五月鄂家店

作楓香驛又云賊盤踞至七月初二日始去九月賊復自太湖至潛西門外可法營於天寧寺爲賊所破追至懷之長安嶺回

焚天寧寺而去賊分其黨搖天動別爲一營而合八營二十餘萬衆分

屯桐城之練潭石井陶冲總兵牟文綬劉良佐擊敗之於挂車

河可法部將汪雲鳳敗賊潛山

十一年三月賊掠桐境七月掠太湖殺遊擊杜先春十一月掠

太湖西關而去以下皆本府志

十二年夏六月賊大擄宿松十二月復至大擄近縣三十里除

夕無煙

十三年春二月賊擄桐城三灣鋪五月擄崆口鋪十月五營賊

合至自潛太及宿松連營五百餘里火光相望十四年監軍楊

卓然招撫五營賊安插於斬太山中五月叛去大擄殺桐標營

守備張寶山襲破宿松城明史張獻忠自十年為牟文綬劉良佐所敗遁入湖廣十三年黃得功從

太監盧九德破賊於板石嘔賊革裏眼等五營降十四年八月左良玉敗獻忠於信陽及良玉援汴乃乘間陷亳州入英霍山

中與賊革左二賀合府志十一年至此賊皆革裏眼之屬非獻忠也

冬十月獻賊據桐城魯砬山大擄懷境

十五年春正月獻賊襲殺潛山知縣李允嘉典史沈所安二月

襲桐城不克三月圍解八月參將廖應登過舒城賊擄登及隊

長寶成九月復攻桐城挾應登成至城下誘降總兵黃得功自

鳳陽來援與劉良佐合兵擊之於鮑家嶺賊敗遁追至潛山老

勘頭禽斬賊將闖世王馬武三鷄子王興國三鷄子獻忠養子

最號驍勇者也明史黃得功傳載此事於十四年府志作十五年各有詳略今合紀之

冬十二月賊破太湖執知縣楊春芳殺之參將邱壯猷不屈死

先是獻忠為得功所敗遁走太湖再鼓可禽會得功以守汎去

賊轉入潯山天堂蓄銳月餘太湖知縣楊春芳日事催科守禦
悉委諸弁守將馬進寶賈小槐通於賊十二月十二日夜半導
賊入春芳以爲兵變及旦盈城皆賊執春芳殺之屠其城參將
邱壯猷力戰不屈死

清順治二年夏四月左良玉傳檄討馬士英行至九江病歿衆
推其子夢庚爲留後初七日軍東下至安慶城中內變川營將
陳元芳先焚城隍廟副將馬進寶賈應登乘之四面縱火招左
兵盡入擄殺無遺同知王治心死之巡撫張亮知府傅夢弼推
官陳繼善俱遁入潯山總兵楊振宗斫北關遁所部兵復大擄
鄉村初九日桐城守將羅九武孫得勝龐天泰等據城爲亂六
月闖賊餘黨由楚寇太湖知縣李盛英死之

清師定安慶閏六月豫親王遣總兵卜從善張天祿統兵撫桐
誅九五等冬十二月蘄州賊朱常采自號荆王襲太湖破之知
縣饒崇秩棄城走土人余垣先從賊後受撫以土兵三百人擒
僞荆王於司空山亂乃定

三年秋九月蘄州餘賊再擄太湖總兵黃鼎討平之水賊趙正
據宿松涇池爲亂巡撫李棲鳳遣兵備道夏繼虞總兵卜從善
黃鼎副將劉大用勦之

五年春二月金聲桓反江西宿松奸民傅聘應之初九日導數
騎至縣收圖籍取印知縣孟瑄趨郡告變聘等劫官庫縱獄囚

執縣丞遲大魁去偽督曹祖參以百騎送偽令丞至賊船蔽江而下操江李日芑遣中軍孔國元參將汪義逆戰於潯魚嘴大敗之

六年春正月英山土賊張福寰灤山土賊余公亮胡經文等立朱統錡爲石城王先是福寰據舒城三尖寨范大范二據桐城白雲寨公亮據灤山鷹窠寨經文據舒城橫山寨有朱九風子者自稱江西寧藩裔名統錡流離福寰寨中經文與福寰有舊合謀假以爲名迎至橫山寨奉爲石城王建元永歷設僞百官聯斬黃四十八寨爲亂夏四月操撫李日芑遣兵討之至十一月諸寨悉平

七年春正月獲僞石城王斬之

十六年秋七月海寇逼安慶推官黃熙纘多設守備值豫楚兵下大破賊賊遁去自是厥後皖之不見兵革者幾二百年

道光二十二年英夷之亂安慶四營兵調隨征剿者二百人皆於太倉州寶山等處陣亡生還者八人時官兵擇要隘對岸築堤以資扞衛堤上列礮位各數十夷逆懸巨礮桅上以布物築寨礮口使子不墜俯其口放之堤不能禦

咸豐三年正月十七日粵匪破安慶

時衆號百萬舳艫相接旌旗蔽江

先數日

兩江總督陸建瀛船達江岸旋即揚帆直下至是賊來如入無人之境越三日悉衆東下二月初欽差大臣向榮統師躡其後

向欽使舟師過省垣齊集諸將申號令髣髴見大將風度五月賊復至未幾竄江西八月又

至此築城鑿池以安慶爲巢穴九月布政使張熙宇帥兵五百人招集懷邑練勇三百人駐集賢關賊數與挑戰皆出奇擊敗之十月僞翼王石達開領大隊賊屯皖忽一日空城兵數萬突湧入關口繞官營數匝官兵迎擊大半日殲賊甚衆卒不支衝圍出賊尾之遂連破桐城

五年十月 減 由北關進薄桐城初戰甚利後夜半賊

內外夾攻之昏黑莫辨戰沒

六年提督秦定三總兵鄭魁士統兵駐北關築壘防禦數月以無兵糧接濟亦退其後六安李 帥練勇數百人由舒城間

道入英霍會潯山練勇直搗縣城守城賊聞風遁不數日賊大隊前進兩處練勇皆反走入山

八年九月將軍都興阿統翼長多隆阿總兵鮑超帥馬步軍萬餘圍安慶李中丞續賓擊敗江西賊乘勢追勦入安慶境旬日間連克復數縣捷書到將軍營云急欲移兵進勦將軍等聚議以爲省垣未復萬難分兵且進戰退守惟桐爲宜舒廬以北皆平原曠野有進無退若無援兵恐蹈危險悔之莫及李續賓不聽故及於敗三河戰歿之信距桐城之捷纔半月將軍等知不

能守遂於二十一日撤營回駐二狼河

賊首陳玉成乘三河之勝晝夜追襲撤營兵至

石牌界與官兵相遇時多翼長領馬軍爲殿且戰且退凡三戰俘斃數千人擊潰賊黨無算迺得回駐舊壘三戰最奇者惟

二十八日金橋之役賊已大隊圍繞困若常蛇會日暮賊軍素無紀律又喜淫擄飲酒高會多翼長迺暗授紳耆方略於星夜招集鄉民各持擾鋤等伏前後山壑復遣精銳步卒分佈要隘自帥大隊步兵居中以馬為左右翼於四鼓時傳令出師時賊眾正罷於奔命魂夢中以為將軍從天下也殺至天明四面伏兵齊出鄉民喊聲震天地馬騎風馳箭簇兩下賊進退無路惟後隊暨先衝圍出者稍得漏網餘皆延頸待斃而巳是役也官兵纔二千餘賊眾不下二十萬玉成自遭此一敗畏多翼長矣如虎

九年九月多隆阿克石牌偽城鮑超移駐小池驛鮑軍門移師時多將軍以

地勢低窪腹背受敵力止之軍門不聽至十一月陳玉成果乘隙統大隊環攻之其時賊驅懷邑居民運米太湖城往往為軍門兵劫去故被困七十餘日猶得數晝夜奮勇殺賊而不疲餒者大半奪糧力也

十年正月二十五日鮑超多隆阿與賊首陳玉成大戰於小池

驛相持兩晝夜殲賊數萬刺傷擊散者無算官兵霆字營被圍

者戰歿亦千餘人鮑超經此戰後見軍士必流涕小池驛之

圍省垣之師故推原復皖之功當無忘二二公血戰之績先是霆字五營駐小池驛多將軍駐石牌相去二百餘里聲援相接至九年十一月陳玉成領大隊賊自太湖達潛山綿亘百餘里環繞官營數十匝晝夜攻擊兩處消息不通然猶未敢對壘而軍也至十年正月惟藉木器伏於柵旁軍門堅壁不出而糧盡援絕七晨炊夕宿惟藉木器伏於柵旁軍門堅壁不出而糧盡援絕軍人自石牌出師進擊小池圍營之賊與鮑軍門合唐期多將軍自太湖出師進擊小池圍營之賊與鮑軍門合唐期多將軍二十五日渾戰一晝夜至二十六日四路守兵皆疾馳至小池驛旗幟分明盛氣百倍賊兵敗而復合官軍無不一以當十會日暮賊軍中有熊伏虎者陳玉成之心腹晨驍勇者也每戰輒手握大纛身先陷陣能口銜中鏃一躍數丈當之無不披靡至是為亂箭射死賊眾驚潰官軍乘之遂大敗

二月多隆阿移壘桐之團凸山烏石山一帶布政使李續宜駐

兵青草壩八里亭相持成犄角之勢以絕賊援四月兵備道曾

國荃帥兵圍安慶城鑿長壕為困賊計時水師提督楊岳斌焚

燬賊艘奪據沿江要隘天塹之險已為我師獨有矣時圍城之營皆多將

軍指畫故賊兵屢次來援內外攻擊屹然不動長壕凡三道

一道拒城內之賊使不得衝出壕最濶最深一道阻城外援離

官營較遠一道護本營興工一年兵民兩役皆前古圍城所未見者然城卒恢復兵未挫衄亦多長壕之助云

十月二十七日賊首陳玉成帥兵數十萬摩桐西壘多隆阿李

方伯合擊之於唐棣山大敗賊兵屠戮殆盡陳逆眷屬盡在省城時被圍日久水

路無隙可乘賊於十月十五日自桐城連營直抵青草壩至二

期二十五日已超官兵大營矣多將軍尚欲堅壁李方伯難之迺戒

步大隊橫衝其中李自八里亭選精銳伏於營左右而空其壘

別遣游騎數百出青草壩挑之自帥大軍抄賊後若長繩之束

縛者然會日中賊畢趨於八里亭唐棣山前後多軍馬騎馳至

李營伏兵齊出馬逸不止士卒爭先數十萬賊兵皆鳥駭獸散

矣此次陳玉成領有擒匪數萬喜食牛馬羊肉衣服垢污殆

懷寧縣志 卷十二 兵事 三十

遍李方伯諜知囑兵士多備竹帛縛於長竿臨陣時燃

火拋刺燒死者無算捻遂先亂奔官軍乘之賊亦大奔

十一年正月十五日陳玉成自舒城走英霍間道夜襲昌字營

總兵余繼昌不備全軍戰沒賊知多李無懈可擊諜知昌字營

髮易服雜衆中觀燈遂戲集既多施暗號突於喧

嗽人聲中大喊殺妖一時戒備不及遂全軍覆歿

三月陳玉成領劉蠻子等約衆二十餘萬由麻黃直竄安慶屯

兵赤岡嶺晝夜攻擊官營城內之賊亦日出兵衝突楊岳斌乃

遣戰艦周巡於小湖口而自領精銳一隊為曾軍往來防禦於

水陸間賊初至皖急欲會城內之賊攻擊官營時官營危甚曾

九帥憂勞成疾幸楊軍門贊助韜略得張聲勢一日賊

用木草填壕已超登破柵矣楚軍礮不及發迺舉火藥桶下燒

之連拋不著火最後九帥自拋之火發焰騰天濠左右燒死者

無算時多隆阿大營駐掛車河自正月李方伯告假見賊勢猖獗

遂移精選四營親兵兩營分作十二營駐雷公廟楊家牌一帶

移馬軍分作六營以三營駐灣塘嶺二十一日帥馬兵念餘騎

巡哨各路探聽賊情俘賊數人得其情復縱之二十二日夜半忽密令出兵

至練潭橫山天尚未明時張小四桐城人送女於偽天朝國丈者陳萬一

廬江人授偽軍師職者率捻匪數萬夜超掛車河大營前隊已趨練潭與

安慶謀賊相接忽大兵突至馬步奮勇夾擊數萬眾殲之殆盡

聞之近地觀戰者云張小四乘八人黃轎冠帶旗幟皆黃望見官兵轎者棄而奔已為官兵醢之矣時附近居民晨起見營

空以為官兵遁去皆大驚及日中聞大勝無不歎服

未幾陳萬一收合餘燼駐螺螄塘結營數十處暗伺都興阿動

靜二十八日辰刻適都興阿巡賊壘登高周視良久馬首欲東

矣賊忽悉眾突至距半里地時從者僅數十騎懼勸走不聽勸

易服不聽始猶立望之賊近反安坐賊不知虛實終不敢進將

每出兵必禮冠著欵賜黃馬褂諸將多為將軍危將軍以為人

不肯如此者畏死爾畏死終不免於死我不畏死何憚而不為

此且我所以如此者欲賊知我在軍中頃之大兵至擊敗之

四月鮑超成總兵帥師援安慶陳玉成聞之復回竄湖北界留

劉蠻子等萬餘人仍屯赤崗嶺多將軍以安慶有軍門援兵足

殲遺孽迺返掛車河大營五月初三日鮑軍門擊破赤崗嶺賊

壘斬首數千級劉蠻子率精銳千餘人衝圍出超急追至馬踏

石賊前後進退無路盡殲於水十三日多隆阿踰螺螄塘賊壘

追奔逐北數十里賊遂退保桐城劉蠻子亦賊中之最狡悍者也鮑軍門初至之次日即出

兵踰溝破柵賊初寂然不動將近壘旁槍礮齊發擊死被傷者無算軍門恃勇輕敵每致多傷士卒不及多將軍者在此觀小池驛暨赤崗嶺之用兵可待其大槩時溽夏盛雨賊營內水深數尺棲身無所猶堅壁不出至初二日夜雨益大水幾滅頂壁壘皆頽軍門迺合圍攻之劉逆知不可支遂領千餘人死戰突鋒而出竄至馬踏石挈民間木板門扇縛以長繩已乘桴欲渡矣忽官兵追至湖水瀾漫無際賊衆齊赴水官兵箭如雨下雖善泅者莫得倖生焉生擒劉蠻子支解之

七月陳玉成又挈僞輔王由湖北抵安慶遣僞王屯官兵營外自領大隊約北路賊於十三日舉火爲號夾攻桐西大營多隆阿謀知乃先一日出兵擊退北路賊是日南路賊燒灣塘嶺馬營屯兵芸田坂一帶至次日甫近大營見官兵整暇初若無事北路賊未見動靜已知機露不戰而退多隆阿出輕騎抄襲之仍遁回安慶繞官軍營外築壘而僞輔王知城不可救又與陳

玉成意見不合亦謀他竄時城內賊食子爨骸其衆日夜私投官營張朝爵等知事不濟七月晦夜開東門駕小舟竊逃官軍探知消息八月初一日向晨奮勇登城遍樹旗幟城內賊胆落忽而烟焰四起陳逆在高山望之痛哭緣伊母子皆在城中城外諸賊卽於是夜由石牌向宿松逃遁同治二年擒匪由西路突至青草壩縱掠一宿卽去自是安慶克復長江水師之勢有如建瓴金陵賊巢已若游魂矣惟自癸丑以來九年之間吾懷日在湯火之中八年復有官兵三河之失援皖之賊蹂躪益深九十兩年曾公圍攻省城四郊皆壘包以長壕三道水與江通復有多都成鮑諸帥游擊之師日與援賊相追逐芻莢供給之

外賊又旋來而逃竄益不聊生幸天心厭亂東南蕩平迄今又四五十人安衽席謂非兵衛之力歟

光緒二十年十月中東事急長江一帶戒嚴知縣黃國城偕邑紳籌鋪捐設保衛局於司下坡今同善醫局募勇丁交各坊董分段巡查地方以靖

二十六年七月拳焰熾於京津全國震動知縣姚錫光約同紳士循甲午之役抽鋪捐辦團練設總局於城南藥王廟城東西北內外各設分局一南城分局附總局內募壯丁百二十名交管帶葉赤濱在城北育嬰堂內督練夜隨各分局董分段巡查赴總局會哨閭閻安謐次年二月撤

三十二年五月二十六日巡警學堂總辦候補道徐錫麟槍傷巡撫恩銘於巡警學堂撫院武巡捕丹徒陸永頤以身蔽恩銘當受傷身死恩銘回轅卽出缺徐錫麟殺庶務長江都顧松於學堂以顧曾洩秘密於恩銘也錫麟旋據軍械局緝捕營管帶杜春林巡防營管帶勞文琦帶勇赴軍械局圍攻當場槍斃革命自稱光復子陳伯平擒徐錫麟及黨人自稱宗漢子之馬子畦布政使馮煦當戮徐錫麟於撫署東轅門外并挖心生祭恩銘亂卽平馬子畦旋亦就誅奏聞奉旨恩銘從優議卹子諡忠愍

三十四年十月二十五夜砲營排長熊成基殺砲營管帶陳昌

鋪以礮馬二營變由東西兩面攻城先是寧鄂兩軍秋操於安徽之太湖縣巡撫朱家寶隨兩江總督端方往閱二十一二兩日德宗欽皇后先後賓天黨人乘機欲動朱撫聞有警連夜馳歸是日已刻入城籌戒備夜十一時事起飭巡江兵艦開砲轟擊并令該艦兵士登陸槍擊立時潰散

宣統三年九月十七日安徽省城建光復旗爲武昌響應也舉巡撫朱家寶爲皖軍都督王天培爲副都督署黃帝紀元四千六百九年年號亦從武昌也二十日王天培稱都督二十一日紳商復舉朱家寶爲都督二十三日九江黃煥章率潯軍來二十五日變逐官劫軍械局藩庫四牌樓一帶商店及城南鼎和

典城北鼎興典并放火燒四牌樓胡玉美醬園及城北典殺平民六人朱家寶赴同仁醫院由美教主護送出城去二十七日江西李協和復率潯軍乘兵艦來十月初一日皖省暫設民政財政兩部舉邑紳洪思亮爲民政部部長舒城黃書霖爲財政部部長時六十二標三營管帶桂丹墀自英山撤防回省推爲軍政部部长函逐潯軍商界復犒以錢萬二千米五百石李協和令黃煥章先率潯軍去越七日李協和亦去十三日南京政府成立改國號爲中華民國用陽歷適值一月一日卽以是日爲中華民國元年元旦寓上海皖人舉壽州孫毓筠爲皖都督省城各界派員往迎蒞省

二年四月孫毓筠移交皖軍都督於壽縣柏文蔚旋奉中央任命柏文蔚爲安徽都督兼安徽民政長七月中央任命壽州孫多森爲安徽民政長兼都督柏文蔚辦理西北邊防事宜八月八日孫多森到省受篆十五日軍界舉院軍師長胡萬泰爲都督孫多森仍爲民政長越五日胡與孫同去二十日警察廳長祁耿寰稱都督二十一日軍界舉邑人劉國棟爲都督二十三日劉去柏文蔚與胡萬泰祁耿寰復來二十五日柏文蔚及祁耿寰去出南門時祁耿寰欲將機關槍向城內轟擊文蔚不可乃止二十八日中央派旅長鮑貴卿率武衛右軍左右兩路由壽縣抵省九月十日中央任命安徽都督兼民政長阜陽倪嗣

冲蒞省撫緝瘡痍嚴拏匪黨民賴以安

以上舒景蕪
黃振坤續纂